

107

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno: 25-04-2023			
Org. jed.	Kl. ozn.	Red. broj	Str. prijava
01	04	1122/23	

Broj: 02-45-6/23-AP-33
Datum: 24.04.2023. godine

GRADSKO VIJEĆE ZAVIDOVIĆI
n/r PREDSEDavajući GRADSKOG VIJEĆA
gospodin Admir Fojnica, prof.

PREDMET: Odgovori na vijećnička pitanja gradskih vijećnika, dostavljaju se

Povodom vijećničkih pitanja postavljenih od strane gradskih vijećnika Skejić Šemsudina, Šimšić Igora, Kaknjašević Ferida, Hodžić Harisa, Džinić Hamde, Bajramović Maje i Mahovac Adia, dostavljamo odgovore na iste kako slijedi:

1. VIJEĆNIČKO PITANJE O IZVJEŠTAJ O IMOVINI GRADA ZAVIDOVIĆI

Zbog obimnosti poslova vezanih za izradu izvještaja o imovini Grada Zavidovići, isti nije mogao biti prezentovan na oktobarskoj sjednici Gradskog vijeća Zavidovići u 2022. godini. Međutim, izvještaj se mogao prezentovati i u oktobru 2022. godine kao nabranje imovine koja je evidentirana u odgovarajućim evidencijama kao imovina Grada Zavidovići bez stvarnog uvida u stanje imovine koju izvještaj treba tretirati. Stručna služba gradonačelnika je kontinuirano pripremala odluke za Gradsko vijeće Zavidovići o raspolaganju imovinom Grada Zavidovići, te je na taj način Gradsko vijeće Zavidovići indirektno i parcijalno informisano o stanju imovine. Samo tokom 2021. i 2022. godine Gradsko vijeće Zavidovići je donijelo 52 odluke o dodjeli prostorija na korištenje i dvije odluke o socijalno-neprofitnom stanovanju, te smatramo da niti jedan raniji saziv Gradskog vijeća Zavidovići nije donio više odluka o raspolaganju imovine nego trenutni saziv. To je sve posljedica brige o imovini Grada Zavidovići. Ovom prilikom želimo istaći kompleksnost dijela imovine Grada Zavidovići koju čini zemljište. Navedena imovina je jako obimna i rasprostranjena na cijelom području Grada Zavidovići. Prilikom utvrđivanja stanja imovine prednost će se dati zemljištu koje se nalazi u katastarskim općinama Zavidovići, Potkleče i Mustajbašići u kojima je smještena većina zemljišnih parcela. Prema popisu koji je sačinjen u katastru nekretnina Grada Zavidovići, 1025 zemljišnih parcela je evidentirano kao posjed Grada Zavidovići. Stanje u oblasti ostalih nekretnina je uređeno i može biti odmah prezentovano (poslovni prostori, garaže, stanovi, podrumi i slično), dok će za uređenje stanja u oblasti zemljišta biti potrebno dosta vremena i angažovanje stručnih osoba (Iz geodetske oblasti). Mišljenja smo da će se cjelokupan izvještaj o imovini Grada Zavidovići moći prezentovati najkasnije u oktobru 2023. godine.

2. VIJEĆNIČKO PITANJE O INFORMACIJI O STANJU U OBLASTI IZRADE PROSTORNO-PLANSKIH DOKUMENATA


Nakon donošenja zaključka Kolegija Gradskog vijeća Zavidovići broj 01-04-5/23-AP-111 od 18.04.2023. godine Gradonačelnik je izdao pisani nalog Službi za upravu geodetskih, imovinsko-pravnih poslova i urbanizma da do 10.05.2023. godine dostavi Gradonačelniku prijedlog informacije o stanju u oblasti izrade planskih dokumenata i to: Urbanistički plan, regulacioni planovi, kao i planiranim aktivnostima po ovom dokumentu u periodu 2023. – 2024. godina. Navedenu informaciju bi Gradonačelnik podnio Gradskom vijeću Zavidovići na sjednici koja će se održati u maju 2023. godine. Također je Službi za upravu geodetskih, imovinsko-pravnih poslova i urbanizma naloženo da organizuje prisustvo predstavnika Zavoda za prostorno planiranje Zenčko-dobojskog kantona na sjednici Gradskog vijeća Zavidovići kada se navedena informacija bude razmatrala.

S poštovanjem.

Dpstavljeno:

1. Naslovu,
2. U spis.

Obradio:


(Nermin Čahtarević)

GRADONAČELNIK

doc. dr. Hašim Mujnović



04/1
150523

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primijeno: 19-04-2023			
Org. jed.	Kl. ozna.	Red. broj	Br. prijava
01	04	1122/23	

Grad Zavidovići
Gradonačelnik
Stručna služba Gradonačelnika
Služba za imovinsko pravne,
geodetske poslove i urbanizam
— Predsjedavajući Gradskog Vijeća
Stručna služba Gradskog Vijeća

Vijećničko pitanje koje se odnosi na uvrštavanje na dnevni red oktobarske sjednice Gradskog Vijeća na temu:

Stanje imovine grada Zavidovića

Vijećničko pitanje 1.

Zašto tačka dnevnog reda Izvještaj o stanju imovine u vlasništvu Grada Zavidovići nije uvrštena u dnevni red sjednice Gradskog Vijeća u oktobru 2022 godine kako je programom rada to bilo predviđeno?

Vijećničko pitanje 2.






Da li će na oktobarskoj sjednici 2023 godine biti razmatrana tačka dnevnog reda Izvještaj o stanju imovine u vlasništvu Grada Zavidovići, kako je predviđeno programom Gradskog Vijeća?

Obrazloženje:

Smatram velikom greškom Gradskog Vijeća što Izvještaj o stanju imovine u vlasništvu grada nije razmatran u oktobru 2022 godine a da je izostala odgovarajuća reakcija gradskih vijećnika. Da je nadležna služba pripremila izvještaj kako je bilo planirano problemi u stanju imovine Grada preciznije u stanju imovine grada koju čini neizgrađeno građevinsko zemljište bili bi mnogo manji nego što je to slučaj danas. Zbog toga tražim da se izvještaj što prije pripremi i najkasnije na sjednici planiranoj u oktobru 2023 godine detaljno analizira. Neuvrštavanje na sjednicu kako je planirano bila bi ne greška nego prava katastrofa. Treba imati na umu da samo precizna informacija može dati željeni rezultat i kvalitetnu raspravu. Kako je riječ o obimnoj dokumentaciji koju treba pripremiti predlažem da se u prvom dijelu raspravlja o lokacijama koje nemaju Regulatorni plan kao što su :
Novo naselje i Vučjak a istovremeno i lokalitet Lijeva obala.
Nakon toga obraditi i ostale lokalitete.

Zavidovići, 17.04.2023 godine

Gradski vijećnici:

1. Skejić Šemsudin 
2. Šimšić Igor 
3. Kaknjašević Ferid 
4. Hodžić Haris 
5. Džinić Hamdo 
6. Bajramović Maja 
7. Mahovac Adi 

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



Kolegij Gradskog vijeća

Broj: 01-04-5/23-AP-111

Datum: 18.04.2023. godine

Na osnovu člana 31. stav 1. alineja 2. Poslovnika o radu Gradskog vijeća Zavidovići - novi prečišćeni tekst („Službeni glasnik Grada Zavidovići“, broj: 7/22 i 1/23), Kolegij Gradskog vijeća na 14. sjednici održanoj dana 18.04.2023. godine, razmatrao je utvrđivanje dnevnog reda i termina za održavanje 13. sjednicu Gradskog vijeća Zavidovići, pa nakon rasprave donio je

ZAKLJUČAK

1. Kolegij Gradskog vijeća Zavidovići, konstatuje da je Programom rada Gradskog vijeća Zavidovići za 2023. godinu („Službeni glasnik Grada Zavidovići“, broj: 8/22), za period januar – april, tačka 3. planirana za razmatranje „Informacija o stanju u oblasti izrade planskih dokumenata i to: Urbanistički plan, regulacioni planovi, kao i planiranim aktivnostima po ovom dokumentu u periodu 2023. – 2024. godina.“, Rok: januar 2023. godine; Obrađivač: Služba za upravu geodetskih, imovinskopравnih poslova i urbanizma; Predlagač: Gradonačelnik, te da ista nije pripremljena i dostavljena Gradskom vijeću Zavidovići.

2. Kolegij Gradskog vijeća Zavidovići poziva Gradonačelnika sa nadležnim službama da za narednu sjednicu Gradskog vijeća pripremi i dostavi *Informaciju o stanju u oblasti izrade planskih dokumenata i to: Urbanistički plan, regulacioni planovi, kao i planiranim aktivnostima po ovom dokumentu u periodu 2023. – 2024. godina*, te da se po ovoj tački dnevnog reda na sjednici Gradskog vijeća obezbijedi prisustvo predstavnika Kantonalnog zavoda za urbanizam i prostorno uređenje Zeničko-dobojskog kantona, radi dodatnih informacija i pojašnjenja vezanih za postupak izrade prostorno-planske dokumentacije Grada Zavidovići.

3. Zaključak stupa na snagu danom donošenja, a o njegovoj realizaciji starat će se Služba za upravu geodetskih, imovinskopравnih poslova i urbanizma i Stručna služba gradonačelnika.

DOSTAVLJENO:

1. Gradonačelnik,
2. U spis.

20.4.2023
[Signature]
O. Adin

**PREDSJEDAVAJUĆI
GRADSKOG VIJEĆA**

Admir Fojnica, prof.

